

## Es grosses Gwicht (für e Nöggi)

### Es grosses Gwicht

Text und Musik  
Jacob Stüchelberger

1. D'Ge - burt vo mir ver - zellt my Mue - ter hou dasch öp - pis gsy Frau  
C G7 C G7  
F G7 C C7 F

5. Nög - gi heb d'He - bam - me gseit dr Bricht isch run - dum guet ich  
G7 C Am F Dm  
1.-7. Strophe

10. gra - tu - lie - ren Ih - nen a - ber Si das Chind das het es schau - rig gros - ses  
G7 Am F G7 C  
letzte Strophe Schluss

15. Gwicht Si das het für mich es schau - rig gros - ses Gwicht

1. D'Geburt vo mir verzellt my Mueter  
hou dasch öppis gsi  
Frau Nöggi heb  
d'Hebamme gseit dr Bricht  
isch rundum guet ich gratuliere  
Ihnen - aber Si  
das Chind das het  
es schaurig grosses Gwicht
2. Und würlki alles Gwichtige  
das lauft bi mir z'dury  
als rote Fade  
dur my Läbesgschicht  
kes Wunder hani Murer glehrt -  
ja gopferdeli - Si  
Zemäntgarette  
händ es schaurigs Gwicht
3. Uf ds mol säg ich mer: Nöggi dasch  
di letscht Garette gsy  
du chasch no meh  
chum schryb es schöns Gedicht  
und wonis fertig gha ha  
hani plötzlech dänkt - jä Si  
das het für mich  
es schaurig grosses Gwicht
4. Vor luter Plausch spil ich derzue  
e schöni Melodie  
und d'Lüt die rüefed:  
Nöggi das isch schlicht  
es Lied won öis so gfällt -  
mich het das ehrlig freut - jä Si  
das het für mich  
es schaurig grosses Gwicht
5. Druf chunnt myn erschten Uftritt  
im Theater - aber gly  
das heisst bir erschte  
Strophe scho da bricht  
dr Bühnebode woni drufstah  
y - jä wüssed Si  
dä Nöggi het  
es schaurig grosses Gwicht
6. D'Kollege händ mi ufgstellt  
und mi tröschtet - s'gaht verby  
ja überhaupt  
us myn're simple Sicht  
so Fründe wo eim hebed  
mues e jede ha - jä Si  
die hend für mich  
es schaurig grosses Gwicht
7. Doch mängisch hani Zwyfel  
denn was nützt my Poesy?  
mys Züri mach  
nid sones steiherts Gesicht  
ich weis es doch du hesch wien ich  
e weichi Seel - jä Si  
die het für mich  
es schaurig grosses Gwicht
8. Das wünsch ich dir - vil Härz und Gmüet  
es Lachen obedry  
und stärkeheib  
es bitzli Zueversicht  
das tönt echli banal  
ich weis es sälber - aber Si  
das het für mich  
es schaurig grosses Gwicht